

沈氏三先生文集

歐陽文忠公集

沈氏三先生文集卷第二十三



長興集卷第十三

龍圖閣學士沈括存中著

刀筆

進南郊式表

謝知制誥表

奉勅撰奉元曆序進表

熙寧九年謝早出表

熙寧十年謝早出表

除翰林學士謝宣召表

除翰林學士笏記

沙田先生文集 卷四
除翰林學士謝勅設表

除翰林學士謝賜對衣鞍轡馬表

宣州謝上表

進南郊式表

臣某等言伏奉勅命編脩南郊式者郊丘事重筆削才難猥以微能叨承遴選中謝孟聞孝以配天為大聖以饗帝為能越我百年之休明因時五代之流弊前期戒具人輒為之騷然臨祭視成事或幾乎率爾盖已行之品式曾莫紀於官司故國家講燎禋之上

儀而臣等承撰次之明詔迨茲彌歲僅乃終篇猶因
用於故常得刪除其紛冗恭惟 皇帝陛下體聖神

之質志文武之功嘉與俊髦靈承宰昊物方鬯茂以
薦信而無慙人且昭明知因陋之為耻固將制禮作
樂以復周唐之舊豈終循誦習傳而守秦漢之餘則
斯書也譬大輅之推輪與明堂之營窟推本知變實
有補於將來隨時施宜亦不為乎無補臣等編脩到
南郊式共一百一拾卷并目錄一卷謹隨表上進以
聞

謝知制誥表

臣某言伏蒙聖恩授臣依前官知制誥者祇荷寵光
伏增震恐臣某中謝竊以敷揚格訓宣發聖謨智不
足知則言有時不類辭不能達則意有所不傳將鼓
舞聖神之廣聞以成就光大之盛業如臣之比蓋不
出庶寮之間量力而共詎敢蒙躐等之進方陛下發
號施令作新萬物傳之無窮而群臣之謀度宜小大
一心出於並世譬之陳脩疆畝之始宜得宿艾魁壘
之才濫被褒庸固嘗自論而不獲退求守分未知私

義之所安此蓋伏遇 皇帝陛下圖成廢工茂遂群
匹起之於緯簫之賤煦之以成物之仁兼受師言誤
收謏學誓期彈力於未至終懼降材之難渝不顯亦
臨上雖宥於德善作汝用咎臣敢忘於後艱圖報之
心沒而後已臣某無任瞻天望聖激切屏營之至謹
奉表稱謝以聞

奉勅譔奉元曆序進表

臣某言數術之學素匪諛明論譔之間終成穢涉臣
其中謝竊以疇人翫治官事久流歲未五更曆凡再

弊正元失紀坎漏出表而不以聞有司具存畔官離
次而莫之省搜絕統之曲藝得遺瞽於播精天雖信
其難謀億不免乎屢中求驕駁於迎日推策之際消
忽微於連珠合璧之間蔑希南正之工僅免西流之
失會成新率甫及終篇此蓋 皇帝陛下愍墜缺之
文收斷爛之學考星辰之行以求其故輔天地之化
以相其宜使民知早晚趨勉之期於時無雨暘寒暑
之沴將百世有所稽若豈片言可以形容始專考訂
其是非終使發揮於篇目典領條奏顧匪劉歆之博

通推傳序文增愧倪寬之寡陋上千震曜無補威嚴

熙寧九年謝早出表

臣某言今月初二日伏蒙聖慈特降中使傳宣入

伏早下至末伏依舊者凌室頒冰方脩故事百官出

沐遽被優恩祇荷寵休退惟震慄臣某中謝此蓋

皇帝陛下施同天地仁察鳶魚當永曆之初庚軫羣

心之瘳暑特寬從事均賜出休伏日早歸上體聖神

之卹物大夫夙退敢忘臣子之愛君遂蜩蟬之私誠

濯雲漢之大潤至恩欲報沒齒難期臣某無任感天

荷聖激切屏營之至謹奉表稱謝以聞

熙寧十年謝早出表

臣某言伏蒙 聖慈特降中使傳宣入伏早下至末
伏依舊者竊以初庚應曆甫當金火之剛強先甲申
恩遽荷乾坤之覆育臣某中謝此蓋 皇帝陛下德
同天地施及飛潛方即高明之君不忘祥延之卹寬
坐曹之常業俾夙退以便私出於上聖之至恩非若
昔人之自受役事執掌未申補報之勤退食委蛇更
沐優容之賜罄孤忠而自効誓隕滅以為期徒貫至

誠莫酬洪造臣某無任感天荷聖激切屏營之至謹
奉表稱謝以聞

除翰林學士謝宣召表

臣某言伏蒙聖慈差左班殿直充翰林待詔董士
隆至臣所居奉宣聖旨召臣入院充學士者使人即
命昔常待天下之才詔節所加固已孤朝廷之皇上
惟異恩之難報曾莫寵數之敢懷臣其中謝伏念臣
起身至微涉德未幾無良質以受學從下習以日汙
一紀從師訖無一業之僅就十年試吏隣於三黜而

偶全未能猝茹苟生歸老壙垠之下尚將疊浴自勵
起觀禮樂之興固嘗疾沒世而無聞况當大有為之
盛際日懼危微之易失未能肯綮之不甞一對燕間
顧塵泥而已失驟更焚使傳羽翮於將衰地兼兩禁
之要華職揔三曹之會審禮踰常分徒知儒者之至
榮官惟其人敢冒 之所畏此盖伏遇 皇帝陛
下範圍二極紀綱四方被日月之光矇眊為之有用
因天地之化脩翺得以成材遇均雨露之濡覃及鳶
魚之察恩榮至厚避托無從在於論思已迎知其有

負惟其中惓私敢必於異時圖報之心沒而後已臣
某無任感天荷聖激切屏營之至謹具狀奏以聞

除翰林學士笏記

新授翰林學士朝散大夫行起居舍人知制誥權三
司使編脩內諸司勅式詳定重脩編勅長興縣開國
男食邑三百戶賜紫金魚袋臣沈某伏蒙 聖恩授
臣前件職及差遣者祇膺渙渥伏積經營伏念臣諸
生起家白首待詔一日之遇望清光於交戟之間再
闋未暮預俊遊於復門之召如臣忝遇自昔難逢仰

惟天地之過恩思効消塵而無術此蓋伏遇 皇帝
陛下深圖宅俊兼逮芻蕘遂容曲微濫被題飾罄一
心而謀報盡茲世以為期臣某無任感天荷聖激切
屏營之至

除翰林學士謝勅設表

臣某言伏蒙 聖慈以臣入院賜臣勅設者外襲視
徹宿陳彤戟之間光祿興觴盛張金鑾之下榮觀駭
於衆目異數鍾於一時臣其中謝此蓋伏遇 皇帝
陛下雨露均慈陵阿將意亟濡至德盛禮極於百籩

崇飫多儀御恩過於三嘆徒竭飛潛之志莫酬覆幬
之仁臣某無任感天荷聖激切屏營之至謹具狀奏
謝以聞

除翰林學士謝賜對衣鞍轡馬表

臣某言伏蒙 聖慈賜臣衣一襲金腰帶一條銀鞍
轡馬一疋者司服在庭校人致命被眷私之安煥傳
顯飾死之有階非沒身而不已循踐此語灰粉為期
臣某無任瞻天荷聖激切屏營之至謹奉表稱謝以

聞

沈氏三先生文集卷第二十四



長興集卷第十四

刀筆

謝復起居舍人充龍圖閣待制表

延州謝到任表

謝加恩表

謝賜曆日表

謝賜衣襖表

慰祔廟表

謝傳宣獎諭表

同天節功德疏

謝復起居舍人充龍圖閣待制表